

ԿԱՐԵՒՈՐ ԾԱՆՈԹՈՒԹԻՒՆՆԵՐ

1. Ժ. Գարու վերջը կանգնուած է Զենոբիոյ պալատը՝ հաւանօրէն Անտոն Կասթրիի ճարտարապետութեամբ: Կը համարուի որ նախապէս կար շէնքին միջին մասը, որ կը պատկանէր Էլէնա Գորնէր Մորոզինիի, որմէ զնելով յետոյ Զենոբիոյ ազնուական ընտանիքը՝ երկուստեք ընդարձակել և ճոխացնել կու տայ յաւելումներով ի ներքուստ և արտաքուստ՝ Աթաֆարուզոյ և Գեմանցա ճարտարապետներուն ծրագիրներուն համաձայն: Այս պատրիկեան ընտանիքը միշտ բարեկամ և մեկենաս ըլլալով զեղարուեստի և ուսմանց՝ հովանաւորած է պալատի մէջ ուտինեցի Լուքա Գարլեպարիսը՝ մինչեւ անոր մահը (1731): Սա եղած է դաշտանկարի, ծովանկարի և հեռանկարի վարպետ մը Վենետեան դպրոցէն, որ և իր արուեստի բաժինը թողած է հոն որմանկարներով, ինչպէս և Լաժժարինի զարդարած է ձեղուն մը: Գահլիճը կամ «Պարասրահ» կը պարծի նոյն ինքն ճիւղանին Պաղդիսդա Թիէփոլոյի առաջին տարիներու մոգական արուեստի մասնակցութեամբը. (տես Giulio Lorenzetti: Venezia e il suo Estuario, էջ 527, և G. Fontana: Cento palazzi fra i più celebri di Venezia. 1865. էջ 366):

Զենոբիոյ այս չքեղ պալատը, որ երբեմն հիւրընկալած է Սպանիոյ թագաւորն ու թագուհին իրենց ի Վենետիկ այցելութեան օրերուն, 1844-ին պատկանած է Վիչենցացի Կոմս Պաղդիսդա Սալվիի. իսկ 1850-ին «գնեալ լինի պալատս ի ստացուած (Ռափայէլեան) Վարժարանիս 110,000 աւստ. լիր. յաւելեալ գլահ միոյ ամին 5000 Աւստ. և այլովք ծախիք և զնով առ երի աղքատին տնակօք եհաս զինն ց120,000 Աւստ. » («Օրագր. Մ. Ռ. Վարժ.ի»): Այսպէս ուրեմն անիկա մեր սեփականութիւնը դառնալէ վերջ՝ Փեզարոյի պալատէն հոն կը փոխադրուի մեր Ռափայէլեան Վարժարանը, ուր ազգիս զաւակները սերունդէ սերունդ կը փութան դարձեալ, յանձնուելու Միւթարայ որդւոց ազգանուէր սիրոյն ու խնամքին. և այս անգամ ուսմունքէն զատ նաեւ ֆիզիքականին մէջ կը մարզուին շնորհիւ օգասուն պարտէզին՝ որով օժտուած էր պալատը:

Վարժարանին պաշտօնական բացումը տեղի կ'ունենայ մեծ հանդէսով 1850 Հոկտեմբեր 21-ին: 2. Ճարտանի տեսչութեան շրջանին պատուաբեր է հետեւեալ տեղեկութիւնը՝ զոր կու տայ 1859 թուականին Փարիզու Մուրատեան Վարժարանի տեսուչը, որ այն առեն Հ. Գ. Ալիշանն էր: Յետ հաղորդելու որ այդ տարի Մուր. Վարժարանի Պարզեաբաշխութեան հանդէսին նախագահ բազմեր է «Պարոն Գայլըր կաճառորդ Կացրդարանին (Institut) պաշտպան և նախագահ ընկերութեանց արուեստից և բարերարութեանց, այր ծանօթ և սիրելի բազմաց և բարեպաշտ» կը յաւելու ապա. «և է ծերունին այն որ երկու կամ երեք ամօք յառաջ եկեալ ի Ռափ. Վարժարան՝ առաջի Վ. Հ. Աբրահամու և իմ խօսեցաւ ջերմաջերմ գոհութիւն զՄիաբանութենէս»: Հ. Ալիշան ամփոփելով յետոյ սուղ տողերու մէջ հանդէսին նկարագրականը, կ'ըսէ. «Յետ որոյ նախագահին կանգուն կալով ընթերցաւ ճառիկ մի գովեստի զՄիաբանութենէս, յոյժ մեծագով, առանձինն յիշելով զճարտարութիւն նկարուց և ուրուագծաց սանից Ռափայէլեան Վարժարանին, զորս վերադասեաց քան զամենայն վարժարանաց Գաղղիոյ, բաց ի միոյն ի մեծէ վարժարանէ Գեղարուեստից (Beaux arts)». (Նմկ. Հ. Ալիշանի առ Հիւրմ. Այր. Փարիզ, 1859 Օգոստոս 12):

3. Տարւոյս շրջանին հրաւէր մը կը հասնի Աղեքսանդր Ռափայէլէն առ Միաբանութիւնս. կը խնդրէ որ Հիւրմիգեան Աբրահայր և իրեն հետ նաեւ հարազատը Գերպ. Եղուարդ՝ եթէ կարենայ՝ Լոնտրա երթան «ի հանդէս օծման եկեղեցւոյ իւրոյ դաստակերտի» («Ազգարանոքիւն Ռափ. և Մուր. Տանց»): Որքան որ սոյն խնդիրքը սիրով կ'ընդունուի վարչական Ժողովէն (Ժող. Այրմ. 1850, Նիստ Փետրուար 15-ի), բայց յետոյ անկարելի եղած է զործադրել: Հոս սակայն կ'արժէ զիտնալ, որ Միաբանութեանս այս բարերարը ժամանակին կանգնած է նաեւ ի Պաշպալով «դպրոց փոքրիկ ի կրթութիւն աղջկանց աղքատաց Հայոց». (Անդ): Իսկ իր մահուան առթիւ